

家邊鳴筑記

上海文明書局印行



第一章

呼倫城外三十里許之松樹子溝一小墟焉。行旅過其地輒具莖芻卽去。間值暴風雨有宿晝客者逆旅主人恆移衾他許以坑讓客蓋地去呼倫近遊子心懷計程以進於理無咫尺名城翻喜作野店停頓者故不爲客具宿也。

一日晌午有客狀似波斯胡虬髯卷髮縛袴短衣挽巨革囊喘如牛嘶直詣一逆旅許擲囊於櫃顧主人曰此去呼倫幾何里主人曰三十里耳客笑曰奇哉一夜半日乃馳二百里耶遂箕踞就座呼進酒食喝囑之豪殆未經見半酣呼主人問曰汝知五百里內鐵鶴王乎主人茫然曰未客勃然曰雙奴鬚鬢且白奈何不識鐵鶴王主知非善客逆之且不利乃囁嚅以應曰鐵王鶴耶三尺童子都知之何問僕爲客笑曰然則汝且識其人矣主人曰唯唯客又笑曰汝不特識其人或曾受其庇護心銘不忘



此好男子矣。主人又曰：唯唯。客擊桌長歎曰：天生斯人，乃獨令呼倫一帶人沐其庥耶？言已，舉甌引滿，狀至悲憤。主人勸曰：客醉乎？日初踰午，尙及至呼倫酒家，覓暢飲也。客叱之以鼻，袒臂踞坐，飲不復顧。戶外漸有來窺者。

塞外荒漠，松樹子溝地尤郊野。居民壘石爲垣，誅茅作瓦室，僅容兩坑。宵則家人駢宿於其上，子女多者坑爲之滿。授室則別坑以棲，不復與家人混。中土禮制之行於室家者，惟此存。告朔坑不僅備，聚宿客至則晉接。於是盱眙則環餐，於是蓋實以一坑兼客室、餐室之用者，坑以外則象牲度器拉雜畢備。故日間起坐都在戶限以外，內有事聞見最捷，非若崇垣複室中閉戶不聞人間事也。客貌既猙獰，來尤突兀，遽入逆旅。里中人已戚戚告語，謂某家新來客酷似黑煞神，一度見之殊勝儼而舞者。於是來逆旅門外作鼠窺者，踪相錯。

人叢中有一瘡瘠漢，長不踰四尺，顱骨特大，殊不稱其全體。巨顱加纖頸，頸不勝其任，顱乃時作傾欹狀。至松樹子溝，可三日里，中人以其形詭罔不識之。且錫以嘉名曰瘦驢。瘦驢宿一御者家，御者聆其聲，非土著，私念渠必以事暫作，此間客苟行者，長行之車義必雇諸居停。主近則遼陽，遠則長城，諸口

雇金當不在十兩下。故供之頗厚。孰念食宿三日寂不言去而錙銖之較其氣度。恰稱其軀體。尋漸厭惡之。瘦驢殊不介意。自昨夕起索酒。索肴且益勤。御者冷然請曰。松樹子溝僻處下邑。不足贗尊客。口倘去他名城膏腴充盤盃。當客列鼎辨味。特不知征車行將焉適耳。瘦驢微笑曰。子豈不欲予早行乎。願予尚未卜行期。苟不幸不得吾意。或竟奄遲終歲矣。御者大慍。顧猶未欲以嚴辭忤之。是日瘦驢聞里中來異客。隨衆至逆旅。許隱人叢以伺中有病饒舌者。拊瘦驢而笑曰。今日集儵僚長狄於一隅矣。衆皆粲然。瘦驢熟似其人。笑曰。看儵僚會長狄去如何。其人亦笑曰。彼鐵拳一握。怕不掐死若七八輩。乃欲冒此險耶。衆笑益劇。瘦驢默然排衆而出。直前謂客曰。來何遲焉。衆大驚。彼病饒舌者猶坦然曰。勿信奴子誑行。看一語未了。鷄骨頭作鳶子飛耳。孰意瘦驢方入客肅然起立。狀至嚮嚮。僂僂下席曰。主翁來幾日矣。僕奔波終夕。幸得邂逅。因讓瘦驢坐。瘦驢絕不謙遜。巍坐問曰。事何如矣。曰。途間偵索殆遍。竟未見彼僮。或已間道入呼倫耳。瘦驢叱之曰。咄。盲奴但解甕底物。乃來誑阿翁。咫尺尙不辨能任千里寄乎。客愕然。四顧突揮臂猛進。向人叢中掙一人。擲瘦驢前。主翁所見得非此奴乎。瘦驢怒曰。既識之。何又粧作沒事人。促縛之。客遂解腰條攢四蹄。豕繫之。衆人見狀。暗愕相顧。駭不成語。逆旅

主人則伏櫃不敢復動。

瘦驢所摔而縛者亦松樹子溝寄居人渠自言姓田字小吉來此已七八日里人中無不懷其德惠稱之曰福星田自言粵東人早歲卽隨父母東走飫受彼邦教育且曾剃度爲佛門徒侶一夕佛呼而詔之曰東方人種都屬一裔汝昔以度人自誓今西去千里有大厄不得良藥餌駢榻以死者且千萬計忍不去作見垣人普救一方耶田乃攜藥囊西來自登陸至松樹子溝存活已百數矣里中人凡攔時疾者田見卽贈以方服之十愈七八以故人都奉之如神惟言語磔格輟輟絕不似中土人間效當地口吻亦不甚可解或曰渠固產自粵東長適異國者大河南北言語尙不相習況睽越萬里者耶衆遂諒之惟田氏自至松樹子溝每晨必隻身走山陬水涯秘不與人俱有虞其失道請執鞭以從者拒之甚嚴且曰余愛山水此間以雄奇著登巉巖披蒙茸蘇子興到非其客所從也衆亦聽之不意今日遇瘦驢遽摔之去臨縛咄嗟顧左右曰若儕不幸余乃猝遇惡魔平日施藥之惠何在乃任惡魔得志耶衆聞是語軒然色動一二獷鹵者勃然奮袂將排衆出奪客突直前叱之曰蠢奴余乃爲此鄉除害來敢袒此奴者試視此磴言次奮拳擊磴磴應手成兩段衆乃哄而散。

田小吉初猶強項。至是乃漸作呻吟曰。今日自是落人手。一旦事聞於官。會教若二人崩角稽首自悔。孟浪耳。瘦驢微笑。不語。客舉靴尖蹴之曰。賤奴還饒舌。汝僅識齷齪吏。吏何與吾儕事。吾儕自有處。置奸賊法。喂狼投火。悉任所欲。聞於官。何爲田聞客語。不復作聲。瘦驢諦視一晌。以目視客。客擇田起笑。顧主人曰。假君木櫃作渠。寄寓遂擲之入櫃。後瘦驢呼客坐於側。命酒復飲。盡三壺。許酣然起立。勞主人曰。累君瑟縮半日。意殊不忍。特爲大局計。不得不撲除此獠。酒肉資憑。君索吾儕不計此區區也。主人喟喟進曰。尊客豪士。弗怒。供張無狀幸矣。何敢較錙銖。特白日縛人事。出下店衆目所集。人口難掩。他日衙吏虎虎執小人問。今日事爲殺爲剛。咄嗟定案。實非所甘耳。瘦驢嘿然曰。是誠足爲主人憂。然余輩行止坦白。必不以纖芥累人。他日有執此以相嚇者。但曰。此是鐵鷄。王事於店。無與彼且驚而走矣。言次。探手入衣。擲一錠於櫃。曰。此當足償酒債矣。揮手竟出。客挽之曰。主翁那便行。將何以處此奴瘦驢叱曰。蠢奴空攜此皮囊。何爲者。不納諸此中。豈尙欲留是作肱。篋庫乎。客笑不語於櫃中。捉田出決囊口。納之曰。暫屈居此囊中。待達前路。當置汝於較佳之地耳。田愁目不語。客鐵腕一舉。田已蜷曲入囊。客徐閉囊口。笑顧瘦驢曰。此物殊累墜人。設中途怪聲出。囊中人謂縛虎人。刼豕歸矣。瘦驢亦笑。

曰。蠢奴還饒舌。趨負以行。客唯唯。竟負皮囊隨瘦驢去。

第二章

大江以南。士人抱經死牖下。平昔一雙眼。縱二十四史。橫三萬里。高談放論。不可一世。迨出門五步。乃臃腫如弱女子。回首里門。僅隔衣帶水。思鄉之夢。舉筆成什。因是世俗口吻。聞是吳豪。便比晚作奚落。態入謂江南文弱。余爲世人眼孔忒小耳。不然。亦有長行萬里。作塞外豪歌之江南生矣。

江南生。平江產文采。邁儕輩。弱冠棄儒服。跨馬參遼陽。將軍幕。將軍亦豪士。塞上旌旗爲東北諸帥冠。以邊事與樞臣忤。歎曰。時世如此。竭吾智謀。猶懼餽覆。今僉壬在內。動輒以掣肘。閫外矜察。尙何爲哉。尙何爲哉。遽投効去。臨行執生手。以珍重。曰。君容度磊磊。又嫻習邊事。宇內正多事。得豪傑一二輩。據形勝。乘時機。猶足有爲。僕休矣。君好爲之。生狂笑曰。公所不能自善爲謀者。乃謀及狂生耶。公以朝行僕決。夕去。聞南滿東蒙。今之燕市會。去山林雄奇處。從屠酤遊耳。慨然遂別將軍去。

生既別將軍。去念關以內。甚嘉塵上非志士著足地。計不如輕裝西北行。歷冒頓故里。躡燕然。繞東突厥。道吐谷渾。以歸。隴行程數萬里。當得遍覽西北扼塞他日。幸有用我者。當指揮掌上。不幸則關山所

歷行。匿所記亦足。與徐霞客分庭抗禮。方向既決。遂盡寄其書籍行李於友。挈一巨革囊。自瑋春起程。瑋春爲東北巨鎮。時中國初受大創。於鳳凰九連國門以內。島國厥兒之至者。日衆。生目擊現勢。慨然發。祖生中流擊楫誓已行三日。許御者辭歸。乃倩逆旅主人雇長行車。以進此去千里許。爲鬻子領地。凡爲御者。罔不受鬻子旗常爲其哨卒。老於行旅者。登路而後媚御者。無所不至。酒肉之奉。恆與之俱。甚且兄呼之。以博其無他顧御者。殊爽直。但得解事。客輒百方護之。卽遇不測。渠自有關節。脫客於難。鬻子聲息四達某也。今日過某地某也。今日宿某地。罔不先夕偵知。故苟得御者。關節知車中人非村角儻多縱之去。因是滿蒙間執鞭士。其能力殊勝。堂皇高坐。畏賊如虎之命吏也。生新雇御者。芒履毡笠狀殊獐惡。直視生者。再冷然曰。客當是江南人。奉檄去烏里雅蘇台乎。科布多乎。生曰。否。旅行耳。曰。南方不少名山水。何不足供客遊覽。而身試虎穴。生宿知個中訣。笑曰。得子與俱。何危之有。御者色似喜。轉語曰。余謂朔方苦寒。恐讀書人不禁風雪耳。生益媚之。曰。到處牛肥酒溫。何不足資暖寒。飲風雪縱厲。奈人力何。御者益喜。坦然曰。不意讀書人亦大解事。如客斯足與語。汗漫耳。遂殷勤御生。而西生置皮革於車後。自露坐車外。與御者行。且語。御者笑。顧生曰。革囊沉沉如百鈞重。



不畏。落人眼。乃置諸車後。乎生知其戲已也。亦笑曰。得豪客亦大佳。正恐羊裘一襲。外。戔戔旅費不足。盡不速人。一醉耳。御者又熟視生。忽撫生肩。歎曰。秀才耶。何絕無酸子氣。余今祝客長途多福矣。

行之第五日。江南生方市牛脯。酤白乾。憑軾飲。且飲且矚。見叢山翠嶺。亂走西北。隅知是長白支脈之東行者。野外健鶻盤風。黃雲壓日。酒酣耳熱。對此蒼莽。不覺高歌欲出。方縱目間。御者若有所矚。突扣繯躍下。呼生曰。促止爾飲。否則禍立至。生遑遑從之。御者令生立於右。已則挽繯垂轡於左。目視林薄。曰。至矣。驟見里許外。黃塵匝地。十餘騎風馳以至。見御者與生橫刀出鞘。叱曰。鼠子何來。曰。指生御者。載此窮骨頭。至呼倫耳。騎者審視數周。相語曰。个兒恂恂似非吾儕。敵合縱之去耳。因以刃指生曰。煩寄語世人。慎勿向衙門尋生活。若爾者。吾儕鋼刀特爲若輩設也。言畢。唳哨竟去。御者止生且勿動。追跡塵漸遠。乃舉轡曰。生曰。險哉。此去始得坦途矣。生稍習息。問御者以故。御者指車前五尺許地曰。客不見此雙竹籤交叉作十字形。植立路口耶。鬚例凡每次哨騎所過。必植竹籤於路口。俾道中人見之。避路以行。不知者驅車逕過。車輪輾斷雙竹籤。生命無幸保矣。生曰。然則汝何立余於右而已。則垂轡挽繯於左乎。曰。此个中關節耳。生笑曰。然則窮骨頭三字亦關節耶。御者笑謝曰。不賤客無以尊彼。

請怒。唐突生笑曰：是何言？三字窮骨頭，退却十餘鬚子。哥亦大值得矣，遂相將登車，以餘酒酌御者曰：勞爾却敵，敢犒一尊。御者曰：勿囉哩。余將兒轡繞竹籤行，苟有幾微損前途，恣其樹烹矣。言次，乃驅車繞坂，越竹籤處。丈許，始放轡，適中道以行。徐笑曰：今日大累人，會早覺宿所，叨客一醉耳。客曰：唯。夕止於紅水堡，芻豆既設，生倚門外視御者解驢就槽卸車入場。後徐步店外，見堡倚小山之陽，板屋二三十家，門皆南向，路側多野樺，陰簷際如張長幕，居民多就樹下作十八九業。牧羊日之下，各驅羊自野外歸，大羣百許頭，小亦二三十，惟羊身多僅存禿，不似江南所見，穎長寸許也。方欲問御者以故，主人已笑來逆曰：酒肴設矣，生乃入室呼御者共飲。見羊脯甚腴，因曰：家家畜如許羊，宜乎遠勝洞庭山下矣。御者笑曰：客以此間牧羊業徒供饜飲者乎？客曰：然。御者笑曰：客誤矣。僕試爲客述之。此間牧羊之利不在體而在附體之毛。羊毛易長，每歲三剪，剪愈勤則其繼生者愈溫，輒牧人家牧羊百頭，歲三剪頭得四五金，綽乎中人之資。其利一也。羊踰數年，體漸瘦，生殖力漸衰，毛亦漸稀，至不任剪，乃殺而售之。其利二也。牝羊歲產雛以十分三計，年得雛五六十頭，留之利固薄，售之塞內入亦甚豐。其利三也。有此三利，故土人多捨耕以就牧耳。生聞而歎曰：先聖云：五母雞，二母蠶，可以食肉豈欺。

余哉。

生飲既酣。御者更側坐縱橫指畫爲生述塞外異聞。飲益劇。燈火上矣。忽門外人聲雜作。生推坐起。踞踰出視。見十許人圍一老樗。枯幹幹縛一老者。鬢髮如雪。喘息向衆哀乞解救。人無肯近者。生惻然心動。振臂欲前。御者急掣生肘曰。止。生愕然。

御者掣生襟使就一隅曰。客真欲強出頭解老兒縛耶。生毅然曰。危而不扶。顛而不持。將焉用讀書明禮人。御者曰。縛此老人者。必是途中植立竹籤。輩圍而觀者。寧無耳目。今日解老人縛。若輩將移其縛。享客。誰爲客。解縛者自喝吾儕酒。不問門以外事。斯是智者耳。客勃然曰。汝惡作如是語。御者曰。僕念辛苦出險。行人患在熱心犯之。將不利耳。生酒已酣。叱御者曰。勿再喋喋。余決踐余志。禍與福余自任之耳。御者歎息而出。客排衆直前。竟解老人縛。衆相顧以目。悄然各去。一二黠者。審視生者。再冷然曰。不意个兒乃欲向塞外施其側隱。生坦然。顧目視老人。欣然謝去。入室呼酒重飲。返視御者。瞑然覆衾睡矣。鼾瓶既罄。酣然入夢。翌晨起詢。則御者已不別去。但囑逆旅主人轉告生曰。此去視客多福。僕好喋喋。不能從矣。

第三章

隔遼東。衣帶水之朝鮮。親睦中國。爲諸屬國第一。有明之季。以全力與袁崇煥諸帥作犄角唇齒之誼。遠過緬越清室。移主中夏。世頒冊錫。甲午而後。夷爲日本郡縣。爲之總監者多雄摯無儔之重臣。被命而後。目光睽睽。恆射滿蒙。宋太祖臥榻酣睡。一語不中於中國。而中於朝鮮。總監一日呼其書記瀨川平次氏曰。行李備乎。瀨川肅然曰。備矣。祇候上官出發令耳。總監乃徐自笈中檢一卷出。珍重授瀨川曰。事盡於此矣。趨登爾車。旅費所需。恣爾支配。余弗欲客特願爾以什伯之利歸償祖國耳。瀨川歡然奉命。出其行。何由其去。何地惟總監知之。餘不能探也。

江南生既失御者方自訟。昨夕事忽有偃。僂而進者。默然揖生曰。君誠豪士。昨夕事僕窺之。審矣。此去何所倘願。並駕得豪士同行止。殊慰長途沉寂也。生喜其恭順。揖問姓氏曰。平小川。粵東人。東邦留學歸作地理實踐考察者。生笑曰。御者去得君亦大佳。平亦款洽。約以車載生。生遂襍被偕平行車中。殷殷以宇內名勝訪生。生觸所好琅琅述明聖湖之明媚。岳陽樓之清曠。三峽之奇險。襄斜之陡折。平歎曰。踰海半生。遂睽祖國。今後庶得盡九州山水之奇乎。惜不得明達有文如君者行與之俱耳。生宿不

諸○粵○語○揆○意○度○辭○髣○髴○可○辨○而○回○念○昨○日○事○心○殊○不○寧○因○顧○平○之○御○者○見○正○據○輓○揚○鞭○高○唱○滿○洲○土○調○
 咿○唔○鳴○暗○狀○殊○自○得○因○詢○平○曰○君○雇○長○距○離○車○乎○平○似○不○解○所○語○漫○應○曰○長○雇○與○短○雇○等○耳○生○歎○曰○行○
 路○亦○大○難○事○君○自○海○外○歸○鮮○知○禍○福○會○宜○善○謀○之○耳○因○與○述○昨○日○事○平○戚○然○色○變○御○者○突○顧○生○曰○余○意○
 生○不○值○暴○客○直○不○幸○耳○言○已○怪○笑○作○鴟○鵂○聲○兩○人○相○顧○慄○慄○忽○見○一○騎○突○車○而○過○狀○至○神○駿○騎○者○笠○沿○
 低○壓○控○縱○至○嫺○既○及○車○側○乃○緩○轡○徐○行○生○窺○之○宛○然○昨○夕○櫟○上○老○者○姑○呼○之○曰○亦○自○紅○水○堡○來○耶○騎○者○
 掀○笠○熟○視○若○不○識○生○訥○訥○曰○姓○名○不○相○白○乃○來○強○喚○人○个○兒○瘋○耶○生○於○其○語○時○審○視○再○三○逼○真○櫟○上○被○
 縛○人○勃○然○曰○昨○夕○哀○告○解○救○生○命○出○掌○上○一○旦○禍○去○乃○白○眼○得○出○耶○騎○者○置○若○不○聞○弛○繯○竟○去○生○歎○曰○
 今○乃○知○燕○市○非○盡○屠○酷○兒○矣○御○者○見○狀○忽○一○躍○下○車○垂○轡○立○車○右○生○駭○曰○鬚○子○來○乎○語○未○畢○車○戶○晝○然○
 閉○欲○下○不○得○惟○於○車○戶○裂○處○見○數○十○騎○馳○至○顧○御○者○曰○已○囚○之○乎○御○者○曰○囚○之○矣○突○有○二○騎○一○躍○下○鞍○
 碎○車○戶○探○手○摔○二○人○出○縛○諸○馬○上○呼○嘯○逕○去○御○者○且○笑○且○駕○自○廻○轅○循○歸○徑○若○曰○个○書○生○強○預○人○事○副○
 殺○不○足○惜○特○寬○此○臨○時○雇○車○之○粵○人○耳○
 若○輩○劫○人○縛○馬○法○至○奇○特○擇○雄○駿○二○蹕○各○設○烏○絛○一○坐○縛○者○於○鞍○納○足○入○蹕○縛○以○絛○懸○蹕○帶○以○鐵○製○令○

足不得屈伸。既縛。乃授以鞭。旁二騎夾護之。驟見者不見。蹬上烏糝。罔不謂是平常躍馬野外人。其實遲速之權在夾護二騎上下之權。在蹬上烏糝馬上人。一息不得自由焉。鬚子縛兩人既定。乃分作前後隊。以平付前隊。而押生於後隊。若狴犴別室。不令囚虜通言語。然生此時知崛強無益。一任鞍下物驅馳以去。惟雙目尙有自由。得縱眺途際。見初由孔道。後繞坂踰壑。漸入歧徑。時入森林中行。鴟啼猿嘯。動觸鄉懷。明知身已入強暴手。而一寸鄉心。特背馬首飛越數萬里。似與家人父子作握手永訣矣。行行復行行。峯迴路轉。忽得一村。村中人先已雜沓作迎取狀。笑問騎者曰。來乎。騎者曰。來矣。乃呼噪擁生入。未幾至一所。崇閣巍巍。荷戈人肅然作雁行立。纔解烏糝。已簇擁至一狀似殿閣之廳事前。廳事中坐一人。狀不甚魁岸。容色黃瘠。乃如病人。見生至。拍案叱曰。好書生。乃來干預阿翁事。紅水堡中樑上人。非汝解縛令去者耶。生至是。知入虎窟。十死八九。亦不甚懼。昂然應曰。然。非余殆莫敢雪不平者。坐上人怫然怒。目左右而武士手中之刑具如雨。擲堦上。戟指曰。聽爾自擇。窮骨頭不屑污乃公手也。生驟聞窮骨頭三字。猛記昨御者語。歎曰。一樣窮骨頭三字。乃能禍福人。坐上人似聞所語。忽詰其故。生備述昨事。駭然曰。汝卽昨日與吉兒偕者乎。生曰。誰識吉兒。余但知爲一良直之御者耳。坐上

人勃然曰不意吉兒載此鼠子生亦怒曰汝曹謂鼠子不能騰踔耶他日作破壁飛便來嚼汝骨坐上人怒不可遏立命武士刺頭來生坦然仰天狂笑忽見座後一人匆遽出附坐上人耳語者再坐上人頓霽色下坐撫生謝曰先生休矣偶試先生膽乃認真如此實告先生僕爲皇明遺臣裔同事亦多忠義士彼縛於櫟者乃私通外人欲以滿蒙爲贊者耳生不信仍叱之曰旣爲忠義士何得令閭閻擾夜無安枕坐上人笑曰日有晝暝人豈得無賢奸爲害閭閻者庸知非藉名求逞者不然昨日竹籬植立早刼先生革囊去矣言次顧左右曰趨去湯沐先生衣冠先生酒肉先生宮室先生武士三四輩轟然雷應扶生入別室去

坐上人送生去後乃呼平小川小川局束以上問之作南音輒轉不易辨坐上人不耐曰是真留之無術者矣旣繫以來逸之翻爲禍水不如從魏武寧我負人說殺以喂吾馬小川聞語急操破爛不全之北語曰旣有若人乃獨殺余同事異刑寧足服天下心耶坐上人笑顧左右曰不圖蠻子乃有此語姑請命於客如何乃有一人轉入側戶未幾出白曰客許宥之矣坐上乃命以小川作客僮俾武士押之下小川默賀曰苟保此身不畏無雄飛日耳三謝而下